

LAERSKOOL BOEREFORT



INLIGTINGSTUK 2025

BESIGE BOERIES

GR R



INHOUDSOPGAWE:

1. Verwelkoming
2. Algemene Inligting
3. Versoeke
4. Wenke
5. Dissipline
6. Optrede van u kind by die skool
7. Eetgewoontes
8. Verjaarsdagpakkies
9. Benodigdhede
10. Voorbeeld van ons dagprogram in Graad R
11. Spesiale woord aan Graad R ouers.
12. Personeel
13. Kontakbesonderhede van die skool
14. Whatsapp Groepe
15. Nasorgsentrum



1. VERWELKOMING

Liewe ouers,

Baie welkom by Besige Boeries. Baie dankie vir die voorreg om u kleinding te versorg en te onderrig. Ons personeel is opgelei, professioneel, liefdevol en toegewyd. Aandag word aan emosionele, intellektuele- en fisiese aspekte gegee sodat u kleuter kan ontluik en tot sy/haar volle potensiaal ontwikkel.

2. ALGEMENE INLIGTING

2.1 Skooltye:

- Die skool begin vir alle leerders om 07:20.
- Graad R leerders verdaag die 1ste 3 dae (15-17 Januarie 2025) om 12:30 en daarna elke dag om 13:15.
- Hulle sal deur Graad R personeel vergesel word tot by die hek waar ouers moet wag vir hulle.
- Daar is 'n naskoolsentrum beskikbaar teen ekstra fooie. (sien punt 14 in hierdie inligtingstuk)
- Leerders wat by die naskool ingeskryf is, word deur naskoolpersoneel gehaal by hul klasse.
- Wees asseblief betyds om u kind af te haal in die middag, die kleingoed raak maklik onsteld as ouers nie betyds is nie.

LW:

- Geen hekke sal soggens oopmaak voor 06:45 nie.
- Draaihekke slegs vir leerders.
- Geen ouers mag die terrein betree nie, behalwe as hul 'n afspraak met iemand gemaak het, dan moet hul gebruik maak van die ingang by 4^e Laan.
- Daar sal 'n personeellid en/of assistent op diens wees in die oggende om Gr R leerders te ontvang en te vergesel na hul klasse.

2.2 Besige Boerie fooie:

- Besige Boeries Graad R word bedryf as deel van Laerskool Boerefot. Geen finansiële hulp word van die Laerskool of Departement ontvang nie. Alle finansiële verpligtinge moet uit die inkomste van die ingeskrewe leerders betaal word.
- U het tyd tot en met die einde van elke maand om te betaal.
- Die persoon wie die kleuter inskryf, die onderneming teken en van wie die identiteitsnommer daarop verskyn, is verantwoordelik vir die Besige Boeriesgeld.
- Enkelouers wat onderhoud ontvang, moet asseblief kennis neem dat u self die skoolgeld moet betaal en dit u verantwoordelikheid is om die geld terug te eis van die ander ouer.
- Ouers wie se Besige Boeriesgeld vir 1 maand agterstallig is, ontvang 'n finale aanmaning deur TPN om te betaal. Indien die geld daarna nie betaal is nie, word die rekening summier aan die skool se invorderaars oorhandig.
- **U moet 'n Kalendermaand skriftelik kennis gee indien u kleuter die skool gaan verlaat.**
- **Besige Boerie fooie vir 2025:**

Skoolgelde word vasgestel met die Algemene Jaarvergadering.

Skoolgelde is ten volle betaalbaar op die eerste skooldag van 2025 of met inskrywing, maar 'n afbetalingsooreenkoms kan aangegaan word met L/S Boerefot.

Skoolgelde beloop as volg:

- R15,450.00 per jaar (R1 545.00 x 10 maande)
- **NB!!! - Skoolgelde is betaalbaar oor 10 maande. Vanaf einde Januarie tot en met einde Oktober 2025.**
- Skoolgelde word gehef ongeag die skoolvakansies - u moet steeds dié maande betaal.

Afslag soos volg van toepassing:

- Indien skoolgelde maandeliks, vooruit, op datum betaal is en die uitstaande balans vir die jaar teen 30 April 2025, is u geregtig op afslag van 8,5% = R1310(afgerond).
- Indien 'n ouer nie die volle skoolgelde kan betaal op die eerste dag van skool nie, kan daar 'n afbetalingsooreenkoms aangegaan word vir afbetaling aan die einde van elke maand vanaf einde Januarie tot en met einde Oktober 2025.
- Sodra daar een maand nie betaal word nie, val die voordeel van afbetaling weg en is die volle bedrag onmiddellik betaalbaar.
- **NB!** – Die vergunning van afbetaling verval indien 'n ouer nie sy maandelikse paaiemente byhou nie. Die volle bedrag is dan onmiddellik betaalbaar. Indien 'n agterstallige rekening oorhandig word vir invordering, sal die volle bedrag wat uitstaande is vir jaar, oorhandig word.

2.3 Etes:

- Besige Boeries verskaf geen etes nie.
- Pak asseblief vir u kleuter n kosblikkie met gesonde kos en sap in. Beperk asb. die soetgoed. **Geen suigstokkies word toegelaat nie!**

2.5 Vakansies:

- Neem kennis dat Besige Boeries vir die skoolvakansies sluit.
- Ons het 'n dagsorg diens - Tariewe is as volg indien die kind nie in die Nasorgsentrum is nie:
Voldag (06:00 – 17:30) R60.00 per dag met middagete
Dagsorgvorme is voor elke vakansie beskikbaar.

2.6 Konsert/Gradeplegtigheid:

- Aan die einde van die jaar hou ons Besige Boeries jaarliks 'n grade-plegtigheid. Al die kleuters neem deel waar afskeid geneem word van ons Graad R kleuters.
- Elke jaar is daar 'n skoolkonsert waaraan die hele skool deelneem. Ons Gr R'e is ook deel hiervan.

2.7 Buitemuurse aktiwiteite:

- Hierdie aktiwiteite is opsioneel. Dit word aangebied sodat u kleuter ook op ander gebiede verryk word. Rekenaars, Dans, Playball, Akrobaat, Playgolf, Tiny Toks (Krieket) word by die skool aangebied deur privaat instansies en teen vergoeding.
- Seuns en dogters kan ook deelneem aan Junior revue, Bulletjie Rugby en KFC Mini-Krieket.
- Dogters kan deelneem aan Netbal.

3. VERSOEKE

- Kyk daagliks vir belangrike inligtingstukke in u kind se tas en stuur antwoordstrokies so gou as moontlik terug.
- Alle ouers word versoek om asb. d6 Connect Toep op selfone af te laai. Installeringsinstruksies hierby aangeheg. Belangrike kennisgewings word op hierdie platform versprei.
- Weeklikse omsendbriewe word per d6 Connect en e-pos versprei op Vrydae en kan ook afgelaai word op ons webblad www.boerefort.co.za.
- Elke kleuter moet elke dag 'n plastiese koevert in hul tas hê. Omsendbriewe, kwitansies, rekeninge en kunswerke word hierin gebêre sodat dit netjies by u kan uitkom.
- Koop 'n groot genoeg rugsak sodat al die kleuter se besittings en die koevert daarin kan pas. Besittings wat rondlê raak verlore.
- Merk u kleuter se klere, kosblik en koeldrankbottel. Wys u kind waar die item gemerk is. Onthou voorletters is nie genoeg nie. Gebruik vaswerk- of vasstryketikette vir klere. Tippex werk goed op skoene en ander donker klere. Indien u iets vermis, kom vra daarvoor. Leer u kleuter om sy/haar besittings op te pas en in die tas te bêre.
- Moenie speelgoed van die huis af saamstuur nie. Dit is gewoonlik duur en die personeel kan nie verantwoordelikheid daarvoor neem nie.
- Snoepie is slegs op Vrydae. Tussen R5 en R10 is genoeg geld vir 'n kleuter. Snoepiegeld moet vir u kind 'n voorreg wees en iets om na uit te sien.
- Daar is kos te koop (enige dag van die week). Ons moet dit net vroeg in die oggend by die snoepie bestel.
- Graad R ouers - ons vra dat u die kleuter nie onnodig uit die skool hou nie. Hierdie is die eerste jaar van die grondslagfase en die fondament vir leer word hier gelê. Soos wat die werkies behandel word, vind assessering plaas. Indien 'n leerder ongereeld skool bywoon, kan die basiese begrippe en vaardighede nie vasgelê word nie. Dit kan die assesseringspunt en die leerder se aanpassing en prestasie in die jare wat kom beïnvloed.
- Stel asb. die skool in kennis van enige siektes/allergieë asook wanneer u kind tydens skoolure medikasie moet neem.
- Stuur alle geld in 'n gemerkte koevert - geen "los" geld nie asb.
- Bak en Brou – R30 per kwartaal of R120 vir die jaar.
- Pak asb. 'n ekstra stel klere en onderklere asook plastieksak in u kind se tas.

4. WENKE

- Help jou kind om **selfstandig** te wees. Moedig u kind aan om sy/haar eie tas te dra. Moet nie vir hulle iets doen wat hulle self kan doen nie!
- Wees **konsekwent** met dissipline, volg reëls en stel duidelike grense. Kinders het grense nodig. Hulle voel veiliger en neig om te floreer as hulle weet dat daar grense bestaan. Hulle moet presies weet wat die reëls is en wie dit afdwing. Grense is hulle veiligheidsnet; dalk kry hulle dit nooit nodig nie, maar die veiligheid lê reeds daarin dat dit wel bestaan! Hulle mag dalk nie graag erken dat u die gesagspersoon is nie, maar hulle is tog gelukkig dat u wel is. Dit help jou kind om in die klaskamer gedissiplineerd op te tree en opdragte uit te voer.
- Sorg dat u kind 'n goeie **nagrus** kry. As die kind moeg is word belangrike inligting nie geabsorbeer nie. Staan betyds op sodat almal rustig kan klaarmaak. So word

onnodige spanning uitgeskakel. Kleuters moet genoeg slaap kry. Sien asb. toe dat die kinders elke aand vroeg gaan slaap, veral Sondag. Nie later as 20:00 nie

- Leer u kind om te **luister**. Praat slegs een maal en tree dan streng op. So leer hulle om te luister. Moenie opdragte herhaal nie.
- Kweek van die begin af 'n vaste **roetine** ten opsigte van slaaptid, etenstyd en TV kyk. 'n Kind voel veilig in 'n roetine met dissipline.
- Laat u kind toe om te speel, veral buite waar hulle kan hardloop, klim en klouter. Laat hulle ook met 'n bal speel. Hierdie spel is uiters belangrik vir die kleuter se spierontwikkeling wat later 'n invloed op hulle konsentrasievermoë kan hê.
- Beperk TV-kyk en rekenaarspeletjies.

5. DISSIPLINE

Praat asb. met u kind oor dissipline. Sommige kinders het 'n groot probleem met gehoorsaamheid en die aanvaarding van gesag.

Leer u kind ook respek vir hul eie en vir ander se persoonlike besittings.

Praat asb. net **EEN** keer en tree dan streng op. So leer hulle om te luister.



6. OPTREDE VAN U KIND BY BESIGE BOERIES

Aanvaar asb. dat u kind nie dieselfde by die skool as by die huis optree nie. Groepsdruk en maats se invloed speel 'n groot rol. Wanneer ons u kontak om 'n probleem te bespreek kan u maar luister - ons kontak u gewoonlik eers nadat die kind al 2 waarskuwings gehad het.

Onthou altyd, 'n storie het twee kante. U hoor gewoonlik net een. Definitief die een waar hy moet duidelik maak dat hy eintlik beskuldig is.

7. EETGEWOONTES

Eetgewoontes speel 'n groot rol in die kind se optrede en leervermoë. Let asb. op wat u hulle gee om te eet.

Sommige kossoorte is "gif" vir 'n kind. Beperk asb. soetgoed en kosse vol geur- en kleurmiddels.

8. VERJAARSDAGPAKKIES

Ons vier graag u kleuter se verjaarsdag, maar maak dit asb. vir ons maklik om uit te deel. Pakkies en/of kolwyntjies werk baie goed. Hou dit asb. so eenvoudig moontlik. **Geen suigstokkies!**

9. BENODIGDHEDE

Sien laaste bladsy.

10. VOORBEELD VAN 'n DAGPROGRAM IN GRAAD R

- * Aankoms en vryspel
- * Groettyd, Bybel, register, weerkaart, verjaarsdae, nuus
- * Temabespreking
- * Liggaamlike opvoeding (bewegingsaktiwiteite, balspel, balans, ens.)
- * Gerigte aktiwiteit: Wiskunde
- * Skeppende aktiwiteit (kuns) en vryspel binne: (bv. Fantasiespel, konstruksiespel, blokspel, opvoedkundige spel, perseptuele speletjies, legkaarte, leeshoekie.
- * Broodjietyd
- * Vryspel buite Toilet en handewas
- * Gerigte Aktiwiteit: Afrikaans
- * Daaglikse storie
- * Rus en afsluiting

11. SPESIALE WOORD AAN GRAAD R – OUIERS

11.1 Spel in die ontwikkeling van die kleuter:

Ons is seker dat as u vir u kind sou vra wat hy vandag by die skool gedoen het. Die antwoord waarskynlik sal wees: "Ons het gespeel".

In die opwindende tyd voor kinders skool toe gaan, leer hulle deur te speel. Elke spelaktiwiteit is 'n leergeleentheid. Speletjies bied vir kinders 'n maklike manier om te leer terwyl hulle pret het. Speel is van onskatbare waarde in jou kind se algehele ontwikkeling. Speel help ook nie net ontwikkeling aan nie, dit weerspieël ook jou kind se vlak van ontwikkeling.

In Graad R word spel as 'n metode van onderrig gebruik. Die kind leer die meeste deur spel en nabootsing. Goed beplande, kwaliteit spel bevorder jou kind se leervaardighede en taalvermoë. Dit skep geleentheid vir die bevordering van selfvertroue, sosiale en emosionele groei, koördinasie, probleemoplossingsvaardighede en kreatiwiteit.

Deur spel ontwikkel die kind -

- *Intellektueel*: Taal, leervaardighede, kreatiwiteit en basiese begrippe.
- *Emosioneel*: 'n Positiewe selfbeeld, beheer oor sy emosies en selfvertroue
- *Sosiale en morele waardes*: Hy sal verhoudings kan bou en hanteer, aanvaarbare kommunikasie vaardighede hê, goeie norme en waardes asook respek vir ander.
- *Fisies*: 'n Gesonde en sterk liggaam, fisiese onafhanklikheid, perseptuele en motoriese vaardighede asook goeie beheer oor sy liggaam.

11.2 Skoolgereedheid

Skoolgereedheid impliseer dat jou kind 'n ontwikkeligstadium bereik het waarin hy met die minimum inspanning voordeel uit formele skoolonderrig kan trek.

Wat word verwag van 'n kind wat skool toe gaan?

- Gesonde liggaamlike ontwikkeling
- Grootspierontwikkeling (groot motoriese vaardighede)
- Kleinspierontwikkeling (fyn motoriese vaardighede soos hand-oog en voet-oogkoördinasie)
- Om te kan dink, onderskei en verstaan

- Perseptuele ontwikkeling
- Intellektuele ontwikkeling
- Konsentrasie en deursettingsvermoë (aandagspan)
- Taal- en luistervaardighede
- Om emosioneel en sosiaal goed aangepas te wees

Onthou, al het jou kind al die nodige uiterlike vaardighede op alle ontwikkelings-gebiede, maar hy het nie vaardighede soos selfstandigheid, deursettingsvermoë, taakgerigtheid, uithouvermoë, selfdissipline en waagmoed nie, is hy soos 'n splinternuwe motor sonder 'n enjin.

11.3 Wat leer ons in graad R:

AFRIKAANS:

- **Klanke:** U kind leer in graad R die klanke aan. Ons begin met watter klank hoor jy eerste? Bv. Kat. Ek hoor eerste 'n "k". Dit is baie belangrik dat u sal onthou dat ons nie die alfabet gebruik nie, maar die letterklanke soos wat dit in die woord uitgespreek word. Later klank ons woorde. Bv. K-a-t = kat. U kan dit informeel tuis oefen. Aan die einde van die jaar behoort die kleuters die meeste letters te kan benoem en eenvoudige drieletter woorde te kan klank.
- **Lees:** Die kleuters begin vroeg reeds met "lees". Hulle "lees" in groeps-verband saam met die juffrou. Sinne en later 'n storie word so in 'n "lees-boekie" gelees. Daar word nie verwag dat die leerders individueel en onafhanklik moet lees nie. Dit is slegs memorisering en insidentele "lees". Dit is om lees aan te moedig en moet stresloos en prettig wees. Geen druk moet op hulle geplaas word nie.
- **Skryf:** Die kinders gaan begin om letters te "skryf". Wanneer ons skryf, begin ons altyd bo, aan die linkerkant van die papier. Help asb. met die regte beginpunte. Dit is baie moeilik om die verkeerde vorming van letters en syfers af te leer.

WISKUNDE:

- Wiskunde as vak word aangebied en geassesseer op die rapport wat die kinders aan die einde van elke kwartaal ontvang.
- Basiese begrippe word hier behandel. Bv. voor, na, tussen.
- Syfers word ook informeel aangeleer

LEWENSVAARDIGHEID:

- Hierdie is die derde vak waarin kinders in Gr. R onderrig ontvang. Oulike en interessante temas word behandel om die kinders se algemene kennis en belangstelling in die omgewing rondom hulle te prikkel.

**Moet asb. nie u kind leer om sy naam net in hoofletters te skryf nie.
Dit is baie moeilik om af te leer as dit so geoefen is.
Net die eerste letter is 'n hoofletter. Bv. Anita**



12. PERSONEEL

Besige Boeries het vanjaar twee Graad R klasse:
Me Youlandi Dorfling en Me Sarina Pretorius. Beide opvoeders is opgeleide en passievolle personeel.

13. KONTAKBESONDERHEDE VAN DIE SKOOL

| <i>BESIGE BOERIES</i> | |
|------------------------------|---|
| Straatadres: | De Beerstraat 325, Wonderboom-Suid. |
| Posadres: | Posbus 31619, Wonderboompoort, 0033 |
| Telefoon: | (012) 335-2841 (opsie 3) / 079 426 5441 |
| E-pos inligting: | |
| Algemeen | boeries@boerefort.co.za |
| Hoof (skool) | hoof@boerefort.co.za |
| Finansies | rekeninge@boerefort.co.za |
| Admin / Kantoor | admin@boerefort.co.za / ontvangs@boerefort.co.za |
| Juffrou Sarina | Sarina.Pretorius@boerefort.co.za |
| Juffrou Youlandi | Youlandi.Dorfling@boerefort.co.za |
| Web: | www.boerefort.co.za |
| Bankbesonderhede: | Laerskool Boerefort ABSA- Ben Swartstraat Takkode: 334645 Rekening nommer: 630 180 023 |

14. WHATSAPP GROEPE

Die gebruik om Whatsapp groepe per klas te stig soos in die verlede, is vanaf vanjaar nie meer in gebruik nie. Ons het gevind dat ouers ongelukkig misbruik gemaak het van hierdie voorreg.

Ons wil graag hê dat ons kinders selfstandigheid en verantwoordelikheid moet leer, maar dit kan nie plaasvind as ons ouers alles vir hul kinders doen en kinders nie leer om self boodskappe en inligting oor te dra nie.

Daar is dus besluit dat geen Whatsapp groepe sal voortgaan of gestig word nie en dat onderwysers nie meer per Whatsapp beskikbaar sal wees nie.

Die skool se amptelike kommunikasie middel is D6 en ALLE inligting wat ouers en leerders moet weet word op D6 gedeel en weekliks in die omsendbrief uiteengesit. Ouers ontvang ook inligting via e-posse. Verder het elke graad 'n huiswerk bladsy wat leerders weekliks ontvang waarop ander belangrike inligting wat per graad van toepassing is, gedeel word.

Die skool is in die proses om 'n e-pos stelsel in werking te stel, met 'n skool e-pos adres vir elke onderwyser. U gaan dus enige tyd aan u kind se onderwyser 'n e-pos kan stuur indien daar navrae is.

Indien daar enige dringende sake is wat onder 'n onderwyser se aandag gebring moet word, bv. 'n kind wat siek is, kan u 'n nota in u kind se skooldagboek aan die onderwyser skryf. Die aankoop van die skooldagboek is verpligtend vir alle leerders, en is juis daar om as kommunikasie middel tussen die ouer en onderwyser te dien.

Ouers wat onderwysers wil spreek gaan asb. 'n afspraak moet maak deur 'n nota in die skooldagboek of deur die kantoor. Aangesien die draaihekke slegs "eenrigting verkeer"

toelaat, sal ouers slegs via die toegangshek in 4de Laan en die kantoor die skoolgrond kan betree. Hulle gaan geen ouer toelaat indien daar nie vooraf 'n afspraak gemaak is nie.

Daar gaan wel geleenthede wees soos oueraande of sportgebeure waar toegang tot die rugbyveld verleen gaan word. Hierdie geleenthede sal vooraf gekommunikeer word.

Hierdie gaan dus meebring dat u as ouers ook die verantwoordelikheid moet neem om alle kommunikasie, omsendbriewe, D6 boodskappe ens. deeglik deur te lees en u te vergewis van inligting voordat u onnodige navrae aan die kantoor rig.

15. NASORGSENTRUM

**Laerskool Boerefors bedryf hul eie Nasorgsentrum.
(volledige inligting sal voorsien word met die Nasorgsentrum Inskrywingsvorm)**

Nasorgsentrumgelde beloop as volg:

- R10 440.00 per jaar (R870.00 x 12 maande)
- Registrasiefooi van R150.00 betaalbaar met jou eerste paaiment.
- Alle gelde is streng vooruit betaalbaar oor 12 maande vanaf 1 Januarie tot en met 1 Desember 2025.
- Indien die gelde nie vereffen is nie sal u kind onmiddelik die naskool moet verlaat totdat die volle rekening vereffen is en u rekening sal oorhandig word vir invordering.
- Gelde sluit in Ligte Middagete en Vakansiesorg.

Tye:

- Die Nasorgsentrum funksioneer daaglik van direk na skool en sluit stiptelik om 17:30
- Ons is oop tydens alle vakansies, behalwe publieke vakansiedae en tussen 16 Desember en 3 Januarie (heropen 4 Januarie).

Etes:

- 'n Ligte middagete sal daaglik direk na skool voorsien word.
- Gedurende die vakansie sal GEEN ontbyt voorsien word nie, slegs middagete.

KLASKAMER REËLS

- Ons doen **asseblief** 
- Ons doen dankie 
- ONS IS **vriendelik**
- ONS IS **EERLIK**
- ONS gee **KOMPLIMENTE** 
- Ons vra: **MAG EK?** 
- Ons doen **netheid**
- Ons **steek ons hand op**
- Ons doen  **gelukkig**
- Ons doen drukkies xxx
- **Ons doen**  **Dis OK**
- **ONS DOEN STILTE** 
- Ons eet gesond  

www.myklaskamer.co.za



Stap-vir-stap gids hoe om die d6 Connect Toepassing af te laai

Selfone & Tablette Aflaai Proses


Android

1. Besoek die Google Play Store
2. Soek vir 'd6 Connect'
3. Klik op die 'Install' knoppie
4. Sodra die program geïnstalleer is, kan u inteken *



iPhone / iPad

1. Besoek die iTunes App Store
2. Soek vir 'd6 Connect'
3. Klik op die 'Get' knoppie
4. Sodra die program geïnstalleer is, kan u inteken *



Bly op datum met al die nuutste aankondigings & nuus



Windows Rekenaar

1. Besoek d6.co.za/education/downloads/
2. Klik op die "Download Windows App" opsie
3. Wanneer gevra word of die dokument moet 'Run or save', kliek 'Save' en kliek daarna op 'Run'
4. Sodra die Toep. (Toepassing) geïnstalleer is, kan u inteken *



Mac Rekenaar

1. Besoek d6.co.za/education/downloads/
2. Klik op die "Download Macintosh App" opsie
5. Volg die instruksies vir die installasie
4. Sodra die Toep. (Toepassing) geïnstalleer is, kan u inteken *

* Indien u nog nie 'n geregistreerde d6 Connect gebruiker is nie, gaan asb na bit.ly/d6ConnectRegister vir Registrasie Scenarios

Stuur asseblief 'n epos aan die d6 Connect Ondersteuningspan indien enige probleme ondervind word met die installering van die sagteware: appsupport@d6.co.za | 087 820 0088 | www.d6.co.za

Ons skool is op pad na kontantlose byeenkomstes met Betalings in d6 Connect,

aangedryf deur Sticitt Pay.



Die volgende betalings is reeds beskikbaar by ons skool:



Skoolfoois



Skoolprojekte



Skool Uitstappies



Fondsinzamings



Kaartjie Verkope



Loojies



Skoolklere



Handboeke



Kosstalletjies



Snoepie "Tags"

Hier is hoe dit werk:




Betalings in d6 Connect



Koppel 'n Snoepie "Tag"



Ander d6 Connect funksies



Skryfbehoeftes

GR R 2025

Merk asseblief alle items met jou kind se naam op.
R30 per kwartaal vir bak en brou.

- 4 x wetwipes (1 per kwartaal)
- 4 x 40g Pritt
- 3 “ou” tydskrifte
- 1 Boks tissues
- 2 x pakkies uitdraaivetkryt
- 1 x Ponal gom
- 1 x A4 lyntjies skrif (72bl.)
- 1 Grys HB potlood
- Flip file met 30 bladsye
- 4 pakke lekkers (geen toffies of suigstokkies) 1 per kw.
- A5 boekie (mamma boek) oorgetrek en naam op
- 2 x rieme wit afrolpapier 80gr Typek asb.
- 50 helder kleur kartonne (enige kleur/e)
- 2 x plastiek koeverte (carry folders)

